

佢因為第二個女仔因為新鮮感而  
同我分手...仲要分手前講大話...(  
我連解釋既地步都冇)

作者: Arashi

# 渣男

佢拍拖有時候我會覺得我係個比佢寵到上天既女仔 但係當我察覺到既時候好多野已經變左... 同佢一齊左一年半到 一開頭我會寫文比佢 雖然寫既野好多都重複 但係都係愛佢先會寫比佢 佢唔心領我都有計

"2020-4-6

今日你話想見我 但係見唔到 之後你就話聽日見 你話過都好想見我 我都係 好呀 咁咪聽日見囉 結果我有啲失望 我夜晚打機問你 聽日都見啦? 之後你話 下聽日見咩 . . . . 我無奈左 你明明同我講 話你都想見到我 咁我都係 你估我唔想見你架咩 我日日都想見啦 其實你咁樣講一講 我真係唔知比咩反應你好 我真係唔知你記唔記得 你話你會寫比我 我係好開心 但係我唔知你會唔會真係寫比我 有陣時 我講完你係咪真係做到呢?

2020-4-18

講真我都唔知你想點 次次同你講野你都話唔知 咁點呀 我點同你溝通呀 我唔係你呀 我唔知你諗乜架 次次你同我講 唔好吖你估我諗咩 咁你都係啦 好心你啦 唔好成日要我估你啦好唔好呀 我忍你咁多次 我都好想爆架 我都唔知依家係你嬲我定嬲個電腦

2020-5-11

我唔係話你 但係係有冇諗過如果我地調返轉會係點 你見到我唔開心靜既 一唔開心就係咁既 你企喺我個邊諗 你會點 我唔知你有冇企係我立場諗過呢 有陣時你唔開心ok 我冰你 我比你自已靜下咁 ok架 冇問題架 但係你依家好似話緊比我聽 你同屋企人傾計啲 你唔理我啲 所以我唔開心囉

你知唔知個一刻我會覺得係我做錯野咁 但係連我自己都唔知點解囉 我好無奈呀 你明唔明呀 我唔明既係點解你好似對住我 你的脾氣會越黎越勁咁既

我係你面前我發脾氣都唔大件事(我個人覺得) 大佬呀 我容忍度已經好高架啦

好心你唔好再亂咁發脾氣啦 劫架大佬 好唔好呀

我唔係話啲咩 但係有陣時咁樣諗一諗 你會唔會覺得有啲過分呢

可唔可以唔好成日都將你的負面情緒帶到第二日呢 咁樣對住都劫啦

我真係覺得個陣時你唔對你前女發脾氣真係好勁 學你話齋 依家有咩唔順既就擺出黎diu 喂 大佬呀 唔係咩都可以擺出黎講架 你咁樣講法 乜柒都比你講晒啦 我對住你我比你係咁唔開心

我比你靜下但係你次次唔開心既時候你有冇諗下我係點諗呢 你諗下如果係其他人

你覺得佢地會忍你幾多次 我之所以唔向你發大脾氣係因為我想知自己仲可以忍你忍得幾多次

記住我唔係深淵黎架 我都有自己既底線架 當我真係嬲個陣時 我都唔知點 . . .

你話我唔開心就假既 你有邊一次你唔開心我有嬲過先得架 喂我次次都嬲架啦

唔通我次次都比面色你睇咩

2020-5-11

每一次我都唔希望會黎既野 偏偏就係我毫無防備之下黎 我最唔希望見到你唔開心

然後第二日問你十問九唔應 我會覺得好不安唔知有啲乜野可以安慰到你

我只係同你想開開心心咁過每一日但係你唔開心既時候我又做唔到啲咩 好無助

你唔講出黎我唔會知你點諗 個下你有情緒我明 你話想訓陣先 好我比你訓

我只係想你第二日同我講你去返工 講早晨姐 連咁你都唔肯講既時候

我真係諗唔到我仲有啲咩可以同你講 當你唔開心我盡可能係你面前做返個有理智既人

我唔想見到你咁頹我都想你開心返

希望你冇咁忙既時候睇晒佢啦～ 雖然唔多  
我安慰你其實唔多 但係我只係想你開心返少少都好呀 你好開心到我覺得我做得到架啦 而唔係唔應  
你同我講(阿我覺得好左少少啲)咁樣我覺得我真係可以氹到你開心返  
可能你唔開心要係一日裏面未必好快回覆到心情 我唔知道件事對你有幾大既唔開心  
我口頭上未必講得好清楚 我只係覺得有陣時唔開心想靜下唔係錯  
只係想一晚就足夠次唔好多數可能你會覺得我好長氣好煩 但係我只會對你係咁 因為你對我好重要  
我係好長氣架 次次都打咁大篇野比你 如果你話煩唔煩 煩架 但係我寫比一個會用心去睇呢篇文既你  
我覺得值得囉 呢番話我只會寫比你 我淨係想講比你聽想你知我點諗 可能唔會話好重要  
但係你睇到既我會比反應我既 咁我咪值囉 只係咁”

## 我愛佢佢唔領我情???

以上只係一部分 拍拖既時候好多時都要我氹佢 我唔開心又係我氹 佢唔開心我氹 我嬲我氹佢 佢嬲都係我氹佢 其實我係咪只係佢既發洩地方

“對唔住呀 我又激親你 又呃左你 明明呢啲野唔應該去做就走去  
我知道我依家講咩都係冇用你都會好嬲 但係我唔想既係你唔理我 我好驚  
我唔知應該做啲咩你先會理返我 好想同你講返野但係又怕你會嬲 我唔想全日都係咁  
有咩唔岩就當刻講到岩 唔想拖到第二日先講 我唔知除左對唔住 我以後唔會再做  
你唔好嬲之外我仲可以點樣氹返你開心 我只係唔想再為呢件事而搞到大家都唔開心  
我想既係同到你傾返計 唔想再咁唔開心 我仲想同你去好多既地方 我唔識點樣開口同你講  
只可以係度打比你 我知我唔善於溝通”

“你話你睇到唔開心 ok咁我del左佢 我可能唔明你依家諗咩 但係嬲咁耐好咩 對大家都冇好處  
你話你嬲一陣 咁我都理解 你話你唔想同我挽咁咪算囉 但係點解要粒聲唔出就cut線  
個下我好嬲好想喊 放工返到黎想開開心心打場機我明 因為你想休息下開心下”

其實我都會有脾氣 嬲又唔係 開心又唔係 其實真係好劫

去到最近佢連分手都冇同我講就同左第二個一齊 其實我個下好驚訝 點解呢個人可以咁冇交帶  
分手姐都唔講句 好難為你咩 對住其他人講一套 對我講一套 究竟你心裏面有幾多個故事未講  
次次都張自己變為受害人 冇冇用個腦諗下野架 呢頭講分手個頭就同左人地一齊 你想分就快啦  
唔好咁渣男做啲野咁拖泥帶水啦 講真拍咁耐你真係有諗過我既感受咩 我唔開心你有冇氹過我呀  
自問我對你係唔差架 我做到女朋友既野 連朋友都話我佢值得你咁做咩  
個陣鬼遮眼梗係話為左你咩都好啦 但係到頭黎呢 我有付出但係我冇收獲嗰 如我講分手  
過幾日就同朋友講認衰仔 你要認就係我面前認啦 收收埋埋係咪男人黎架

# 最後啦

以下就係我本身想對佢講既野 佢wts ig block左我 咁我講咩都冇用啦

“請好好珍惜曾經為你喊既女仔 因為你已經再搵唔到 如果你決定想同佢既話 咁你唔洗再去考慮我 由我比拋棄個一刻開始 我地既關係完架啦 感情係冇可能令到每個都開心 總會有傷心既一方 經過呢幾日 每日晏就我都喊一次 但係喊完會諗得清楚好多 對你好你可能感覺唔到 要做既我都做左 既然你有左決定就唔好再猶豫 感情上面猶豫對邊個都唔好 只會令大家更辛苦 好好珍惜每一個女仔 唔係每個女仔都願意去等你 希望你之後可以搵到一個真係可以同你走落去既女仔

而唔係再因為新鮮感而再次拋棄對你上心既女仔

經過呢4個月我明咩叫放手 當連自己都挽留唔到既野就會學識放手

往往感情上最唔應該出現既係另一半既異性朋友 一旦出現呢段感情已經唔可以再行落去

我中意左你咁耐 原來都冇咩價值 愛情上新鮮感永遠大過所有野 你要我放棄你 我依家做到啦

去到英國自己小心啦 冇我係你身邊你自由架啦 如果可以做朋友既話我都冇問題

希望你以為做人都有個交帶 唔好要人去擔心你 大個仔知自己想點就得 總知照顧好自己啦

其他我都唔多講啦 不過係估唔到連你都會有猶豫既一刻 既然我搶唔到既野我冇謂再令大家辛苦啦

你都比左個心理準備我 咁我都要知點做架啦 以後我唔會再勉強你令你辛苦啦

期待變失望個下真係好傷心好痛好劫 我都唔想拖到咁耐 因為真係令到我好不安

我個心唔可以再咁傷架啦”

其實講真我想要個交代好難咩

有啲咩唔可以當面講 好難為係咩

渣男 祝你永遠拍拖都失敗收場 女既出軌唔要你 比埋帽你戴

注定你孤獨一世

## 依家對佢既感覺。 。 。

依家對住佢我會覺得解脫左咁  
佢係咩既人我清楚 不過我最大既錯誤就係 信完一次又一次既我  
竟然完全唔知佢一路對住我都係講緊大話 呢完一次又一次  
我唔明既係點解唔可以好多野都好地當面講清楚 點解要呢 乜感情裏面真係唔可以有真心咩  
同佢分左手之後諗左好多野 亦認清楚左好多既事實  
對住一個講大話既人不如去真真正正搵返個愛自己既人唔好咩 有段時間  
我唔開心我唔知搵邊個去傾去講 只係識喊 喊完又心碎 碎左又拼返好佢 再繼續同佢一齊  
其實佢話對我失望我又何嘗唔係呢 我做既事 令佢失望唔多 但係佢令我失望既係好多  
每次我想佢做既事永遠都做唔到 你話邊個失望啲(笑  
可能個陣佢已經對其他人上左心 唔想再理我  
我唔明白既係 既然你都同左人地一齊既時候 點解唔坦白啲呢 點解要將打完既字又收返去呢  
個陣如果你同我講既話咁咪咩事都冇囉 不過算啦都已成定局 冇左你自己再開心左 放鬆左  
唔洗再好似以前咁 驚黎驚去 放手仲好過留住你仲辛苦 好多人都話愛情失去左先黎珍惜  
我覺得我今次既分手好似好快放得底 連時間既沉澱都冇就過去左 我對男朋友好係人都知  
但係識唔識珍惜係你既事 暫時諗唔到啲咩